

GJYKATA KOMUNALE PËR KUNDËRVAJTJE NË FERIZAJ, sipas gjyqtarit Arben Hoti, me pjesëmarrjen e sek.juridike Fatmire Mani, në procedurën kundërvajtëse kundër të pandehurit Arbenita Sadiku, për shkak të kundërvajtjes nga neni 5,6 paragrafi 1.3 dhe neni 9 të ligjit 04/L-050 për Deklarimin Prejardhjen dhe Kontrollin e Dhuratave për të Gjithë Personat Zyrtarë ,e në bazë të neni. 31,73 dhe 195 të Ligjit mbi kundërvajtjet, më 13.11.2012 muarr:

A K T V E N D I M

E pandehura: Arbenita Bajram Sadiku e lindur me 16.12.1986 në Ferizaj, me vendbanim në fshatin Zaskok K.Ferizajt

Ë s h t ë p ë r g j e g j ë s

Sepse deri me datën 31 mars të vitit 2012, nuk e ka bërë deklarin e rregullt vjetor të pasurisë në cilsinë e Këshilltarës Komunale të Komunës së Ferizajit.

- me qka kryen kundërvajtje nga neni 5 dhe neni 6 par. 1 pika 1.2 të ndëshkueshme me nenin 17 par.1 pika 1.2 të Ligjit Nr.04/L-050.
- andaj në bazë të dispozitave të theksuara ligjore,e në vështrim të nenit 9 par.1 të LK.

D E N O H E T

ME DENIM NË GJOBË në shumë prej 400 €,

Dënimin e shqiptuar në të holla ka për ta paguar në afatin prej 15 ditësh, pas plotëfuqishmërisë së këtij aktvendimi,në të kundërtën do ti zavendësohet në dënim burgu në kohëzgjatje prej 26 ditësh.

E pandehura obligohet që në emër të shpenzimeve gjyqësore, të paguaj shumën paushale prej 5- € .në afat prej 15 ditësh, nga dita e plotëfuqishmërisë së këtij aktvendimi.

Nga një ekzemplarë të këtij aktvendimi iu dërgohet palëve dhe ushtruesit të kërkesës.

A r s y e t i m

Agjencia Kundër Korrupsionit e Republikës së Kosovës ,ushtroj kërkesën për fillimin e procedurës kundërvajtëse nr.01-2213/2012 kundër të pandehurës Arbenita Sadiku për shkak të kundërvajtjes mos deklarim i pasurisë me kërkesë të Agjencisë të zyrtarit të lartë publik, nga neni 5, 6 pika 1.3 dhe 9 të ligjit 04/L-050, duke kërkuar që të shpallët fajtor dhe të dënohet sipas dispozitave ligjore.

Gjyqtari filloj procedurën kundërvajtëse, analizoj provat që gjinden në shkresat e lëndës, mori në pyetje të pandehurën, si dhe dëshmitarët.

E pandehura në deklaratën e saj theksoi se nuk kam qenë e informuar dhe as që ka pasur njohuri për deklarimin e pasurisë nga ana e saj, dhe shton se nuk ka pasë asnje arsye që mos ta bëjë një gjë të tillë, dhe me të marrë vesh për një obligim të till ligjorë ajo e ka deklaruar pasurinë me datë 24.08.2012.

Dëshmitari Naser Musa në dëshminë e tij në cilsinë e Zyrtarit Të Pikës Kontaktuse të Komunës së Ferizajit ka theksuar se materialet bashkë me formularët të cilat i ka pranuar nga Agjencia ju kanë shpërndarë këshilltarëve të komunës në mbledhjen e Kuvendit Komunal të Ferizajit të datës 09.03.2012, si dhe nga foltorja e kuvendit janë njoftuar edhe gojarisht nga kryesusi i asamblesë në atë kohë Agim Aliu, për qka prezentoj para gjykatës regjistrin e

DPK/DMP

02

03-4399/12

07-12-2012

anëtarëve pjesmarrës. Nga deklarata e këtij dëshmitari gjyqtari e vërtetoj faktin se e pandehura Arbenita Sadiku ka prezentuar në këtë mbledhje dhe ka vendosur nënshkrimin në këtë regjistër.

Dëshmitarit Afrim Matoshi në cilësinë e Zyrtarit Për Mbarvajtje të Kuvendit Komunal të Ferizajit në deklaratën e tij ka theksuar, se pasi ka marrë formularët nga Zyrtari i Pikës Kontaktuse Naser Musa të njejtat në mbledhjen e 09.03.2012 i ka shpërnda në ulëset me emër dhe mbiemër të secilit këshilltar veç e veç, duke shtuar se edhe Kryesusi i Asamblese i ka njoftuar gojarisht nga foltorja. Nga deklarata e këtij dëshmitari gjyqtari e vërtetoj faktin se të pandehurës i është dorzuar materiali në ulësen e saj në kuvend, dhe se është informuar edhe gojarisht nga kryesusi pasi që ka prezentuar në këtë mbledhje.

Gjatë caktimit të dënimit u morën parasysh të gjitha rrethanat, si dhe rrethanat e parapara me nenin 9 të LK, dhe u konstatua se në rastin konkret me kundërvajtje nuk janë shkaktuar pasoja të rënda, ndërsa ekzistojnë rrethana lehtësuese që janë: se e pandehura me të marrë vesh për një obligim të till ligjorë e ka dorzuar në Agjencion formularin për deklarimin e pasurisë me datë 24.08.2012, si dhe gjendja ekonomike e të pandehurës, që vëjnë në dukje se edhe me një dënim më të butë mund të arrihet qëllimi i dënimit.

Gjyqtari në këtë qështje kundërvajtëse aplikoj dispozitat e nenit 5 dhe nenit 6 paragrafi 1 pika 1.2 dhe dispozitën ndëshkimore të paraparë me nenin 17 par.1 pika 1.2 të ligjit Nr.04/L-050, pasi që në rastin konkret kemi të bëjmë me raportim të rregullt vjetor.

KËSHILLA JURIDIKE:Kundër këtij aktvendimi mund të ushtrohet ankesë **Gjykatës së Lartë Për Kundërvajtje në Prishtinë** brenda afatit prej 8 ditësh nga dita e pranimit të këtij aktvendimi ,përmes kësaj Gjykate pa pagesë takse.

Vendosur në Gjykatën Komunale për Kundërvajtje në Ferizaj

Sek.juridike
Fatmire Mani-Haxhijaj

